



7. maj 2019

UPA 2019/51

Naqqiut

Naqqiummi siunnersuut 15. februar 2019-meersoq ntaarsiivoq.

Naqqiummi naqqiissutaavoq siunnersuut naggasernerani oqaaseqaat una ilanngunnera: ”
Taamatut oqaaseqarlunga siunnersuutigisara Inatsisartunut suliassanngortippara”

Inatsisartut Suleriaasianni § 33 naapertorlugu aalajangiiffigisassatut siunnersuut imattoq
matumuuna saqqummiuppara:

**UPA2020 tikitsinnagu uangut politikerit mingutsitsinnginnerunissamut silallu pissusaanik
allanngortitsinnginnerusussanik iliuusissatsinnut innersuussisussamik suleqatigiisitamik
immikkut ilisimasalinnik inuttalimmik pilersitseqquullugit Naalakkersuisut
peqquneqarnissaannik Inatsisartut aalajangiiffigisassaattut siunnersuut. Innersuussinerit
tamarmik immikkut imaqassapput aningasatigut kingunerusussanik inuiaqatigiinnut
amma innuttaasunut/sullivinnut.**

(Inatsisartunut ilaasortaq Steen Lynge, Demokraatit)

Tunngavilersuut

Nunagisatsinni silap pissusaata allanngornera ersarissorujussuovoq amma inooriaaserput
sunnerneqarnikuovoq. Taamaattumik soqutigisariaqarparput sapinngisangnguatsinnik
mingutsitsinaveersaarnissarput amma silap pissusaanik allanngoriartortitsinaveersaarnissarput.

Taamaakkaluartoq ataqtigiissumik assigiissaartumillu suli politikkeqalernikuunngilagut
ersarissumik sammillugit silap pissusaanik allanngoriartortitsinaveersaarnissaq amma
mingutsitsinaveersaarnissaq.

Imatut paasineqassanngilaq iliuuseqarnikuunngitsugut. Pisortaniit innaallagissamik pilersuinermi
pisariaqartitatta annersaa erngup nukinganinngaanneerpoq amma inunnut iliuuseqarusuttunut
tapiisarpugut, soorlu seqinernup qinnorneri iluaqtigalugit nukissiutitaarusuttunut.

Aammattaaq manna tikillugu annertuumik iliuuseqarfiginikuuarput benzinamik
dieselimilluunniit ingerlatilinnik biilisigani annikillisaaneq anguniarlugu biilinut
innaallagiartortunut akileraagutitaqanngitsumik pisisinnaaneq aqqtissiuullutigu.

Taamaalioratta qularissaanngilaq inuiaqatigiittut iliuuseqarluartartugut silap pissusaanik
allanngoriartortitsinaveersaarusulluta. Qularinngilarali suli annertunerusumik



iliuuseqarsinnaasugut aamma qularinngilara Inatsisartuni maani suli annerusumik iliuuseqarusussuseqartugut. Apeqquataavori iliuusissat suut atorniarnerigut aamma sorusukkutta qanoq iliussanersugut?

Suliniuitit ataqtigiissaagaanerunissaat maqaasivakka tassanilu isumaqarpunga immikkut ilisimasalinnit ikorfersorneqartariaqartugut - ajornanngippat nunarsuaq tamakkerlugu misilittagalinnik peqataaffigineqartussamik. Imaassanngilarli apeqqusiinngivilluta immikkut ilisimasallit innersuussutigiumaagassaat malissagigut qularinngilarali immikkut ilisimasallit pitsaasunik atorsinnaasunillu innersuussisinnaajumaartut, kingorna aalajangiisartutut isummersorfigisassatsinnik. Taamatut oqaaseqarlunga siunnersuutigisara Inatsisartunut suliassanngortippara

Aningaasarsiornikkut allaffissornikkullu pisortanut

Immikkut ilisimasalinnut aningaasartuuteqassaaq. Naatsorsuutiginngilarali ilinniagartuup ukiup ataatsip sulineranit akisunerussasoq.

**Aningaasarsiornikkut allaffissornikkullu namminersorlutik inuutissarsiutunut kingunissai.
Soqanngilaq.**

**Aningaasatigut allaffissornikkullu innuttaasunut kingunissai.
saasumik oqallittoqarnissaanut.**